

8 T 5422 / 3263

王荅堂全集

臨川義仍湯顯祖著

哈佛大學
哈佛燕京
圖書館
珍藏印

詩

七言絕句

華西四絕寄王道服岳伯

百二河關紫氣重
垂闌躡蹻蹬度蒼龍
無緣便瞰
明星出露洗笙簫
雲外峰

吳氣金河靜鬱盤峰中人語白雲端初窺玉井
樓頭坐十丈蓮花掌上看

四峰瀑濺雨廉織星宿牕搖上玉簾落日滿山
松色動倒吹蒼嶺作龍髯

西望白雲乘帝鄉一時忘却車箱蓮花別起
清寒色玉女頭盆下玉漿

贈蘇醫田家

杏花萋葉泥春田種杏栽蒲較引年向後五倉
須却粒看君真得禹餘仙

仕宦逢年總未央仙翁車騎有餘糧城南二頃
卻休問六印何如肘後方

得信州高壽丞寄元舒哭兒書是時元舒

亡久矣

云來吳越幾經過相國名園春恨多便作再遊

石在否可憐蒲稗浴鷗波

石哭孩兒解索環阿舒都不在人間舊作寄來
世掩涕十年心事到常山

重過采石

夕陽千里弄舟還一片秋聲兩岸山醉着錦袍
郊夢杳月明何限水雲間

唱二夢

半學儂歌小梵天宜伶相伴酒中禪纏頭不用
通明錦一夜紅氍四百錢

出關度瀛河

岸草移舟簫鼓遲河陽春色憶佳期衝風日暮
人千里屈子乘湘去此時

河陽春動草氤氳楚客含情向碧潭自別黃金
臺下路不嫌人唱望江南

戊戌上巳揚州鈔關別平昌吏民

富貴年華逝不還吏民何用泣江關清朝拂綬
看行李稚子牽舟雲水間

和張師相二月桃花嶺看雪

天垂六出駐仙車春色同雲半紫霞醉問桃花
定紅雪仙家原重碧桃花

口占奉期建安三月三

洞浦吹簫興卽留幾攀高駕動陶州禁春羽爵
應無筭但借賢王曲水流

排比新聲接舊驩重門初燕語春寒心知日暮
能留客明月西園是建安

玉蘭花開和張師相

長廊客散雨微晴素影高寒月下行似是相公
憐曲廡木蘭花慢一聲聲

上巳杏花樓小集

茂林修竹美南洲相國宗侯集勝遊大好年光
與湖色一尊風雨杏花樓

花枝湖灩淥如紅上巳尊開雨和風坐對亭臯
復將夕客心銷在杏樓中

丁未元旦

春色曛曛向曉天冠裳遙望一悽然今朝太史

書雲朔不見仙鳧有十年

達公來別云欲上郡

艇子湖頭破衲衣秣陵秋影片雲飛庭前舊種
芭蕉樹雪裏埋心待汝歸

夢破長安古寺鍾偶經花雨舊林空尋常一飯
堪隨施何必天言是可中

報恩寺迎佛牙夜禮塔同陸五臺司寇達

公作

駕御園開寶色空
水晶燈火映餘紅
馬知爪髮青銅色
依舊長干木寺中

聽乳林唄贊

絳桃春盡攝山幽
地湧千峰月氣浮
忽散梵聲驚驢起
遶天風雨塔西頭

再禮佛牙遶塔

迦葉留牙印末光
辟支囿石更尋常
單蘭吐盡千千劫
紅玉裁消一寸長

達公過奉常時予病滯下幾絕七日復蘇

成韻

病注如泉氣色微
看人言與病人違
不因善巧令歡喜
簾外紛披五綵衣
已分芭蕉欲盡身
遶床心事見能仁
朱門畧到

須回首省得長呼達道人

辛卯夏謫尉雷陽歸自南都疢瘧甚夢如
破屋中月光細碎黯淡覺自身長僅尺
摸索門戶急不可得忽家尊一喚霍然

汗醒

病枕竟銷月影微拋殘家舍欲何之
恰逢慈父呼亡子得見三三三二二時

夢中沉似月黃昏破屋踉蹌苦索門
幸好家公與留住不須炎海更招魂

袁侯喜作佛事廣壽寺集僧展藏甚盛寄

問浮梁水月

五色袈裟飯一時虛堂雅步稱容儀
獨持海月歸山去正是燈油猛盛時

廣壽寺僧多土田眷屬嗔疾客僧乞食展

藏

乞食繙經好勝因有情相續更何人心知破鉢
難留住爲有從前獅子身

名句文身總不多空拋盞飯向維那諸天聽着
成何事流涕相看迦葉波

丁未浴佛日夢蘧兒持書頗樂且語地下
成進士嘆笑久之覺而成句

萬卷都拋作紙錢傷心才在數人前黃泉尚有

書生業同學誰登第六天

作紫欄戲衣

試剪輕綃作舞衣也教煩艷到寒微當歌正值
春殘醉醉後竟隨煙月飛

無分更衣金紫羅伎人穿趁踏朝歌俳場得似
官場好燈下紅香不較多

看接花子示兒

度臘占春老壹馳一年花事竟如何陶家只合栽楊柳玉樹芝蘭自不多

先友吉水劉允陽兄子晉卿以空函遠寄

却贈

天上人爲泉下期悲思公子卽能詩兩家門戶堪如此不見長安書記時

遠道空書意不任昔人詩共此時心便作親朋無一字足教之子慎千金

讀錦帆集懷卓老

世事玲瓏說不周慧心人遠碧湘流都將舌上青蓮子摘與公安袁六休

卽事呈王太蒙憲伯

蠟炬通宵坐綺筵樓頭星火正中天南州已作

清涼境秋月冰壺十五年

月照龍沙水氣清籠燈破碎引前行紫薇堂上
沙堤客長見丹心徹裏明

送吳龍游徙陽春長乞藤障子

龍丘山水帶風塵未暇絃歌學愛人直置梅花
江嶺外恩光常許奏陽春

倦遊遊處亦風光棊局丹書遠印床莫爲炎荒

心便熱春州南畔正高涼

海珠江與七星連夜半山川好扣舷解是吳郎
舊風色一杯相對石門泉

折腰君喜得同鄉僊嶠題書歲月長定有高雲
藤障子先分海色到柴棊

雲聲歌寄宜興張文石併懷能始中郎

同是清時放逐行參差江嶺向吳京蒹葭盡處

滿秋色高閣蒼茫雲漢聲

畫史伶歌粉墨羣水煙山翠恰饒君不應洞裏
呼龍起一片張公善卷雲

新來好句得曹袁翠冷珠輝整欲言更作清微
河漢語秋聲移動白雲痕

聽于采唱牡丹

不肯蠻歌逐隊行獨身移向恨離情來時動唱

盈盈曲年少那堪數死生

梅花嶺立僧

馬鳴牛啣三車地水擊雲搖萬里天解向江南
傳信息梅花嶺上一枯禪

江雪圖送李篆史還圩

落日河橋歸雁呼淥尊清淺映麻姑還邀曉月
冰壺句來看寒江雪棹圖

去別章門夜泊船雪窻高枕對窮年朝看雪意
成霞色知是圖書氣燭天

掃除瓦礫成堆偶望達官家

社燕秋歸掃舊窠倒翻門戶見天河東家樓上
西家庫得似吾家瓦礫多

偶然開掃到池林瓦礫堆高一丈深若遇仙才
能作使此中真可築黃金

送篆史張藜叟九江

西江歲月逢殘雪東壁圖書老客星半箸藜羹
禁大嚼就中知有五侯鯖

瀑布齋頭坐欲曛暮江晴雪見峰雲雙鉤若向
屏風底爲帶芝泥九疊文

送琴僧還閩奉懷世伯李百鶴先生并懷

顏曼叟

水有懷仙山有靈琴僧湏向足間亭桃陵左相
能相見百鶴老人時一聽

招青林僧

到處青林是作家不萌枝上又開花明朝得問
文殊病打碎琉璃浪喫茶

春到青林幾樹香華巖海畔衆齋糧不應下會
相瞞得白牯狸奴在一堂

送曇歆度嶺

雪浪山頭下三溪六朝僧度楚雲西無緣更逐
齋時去不信人間飯色齊

昨日春分酒一卮明朝僧飯乞從誰參差欲到
梅關路正是黃梅雨渴時

病起懷吳璽郎疎山

風雨樓頭病欲休獨行池上柳絲稠相思三月

桃花水欲下真人蓮葉舟
沙井門庭靜不紛百年多病更何云獨憐一片
袈裟地終日樓頭望白雲

春興懷學卿

章門秋色老菰蒲歸去春風又阿奴解得鶯兒
黃似酒亂催雙槳向鷺湖

何來鶯燕已春分公子乘春醉碧雲起踏鷺湖

唱金縷嫩黃衫映水皺文

送客麻姑便過廬岳飯僧

湖陽歸雁雪紛紛映漾峰頭幾疊雲不向麻源
問清淺龍沙高已半匡君

王孫高興逐年新草色鄉心一半春堂上白鴉
飛欲盡鉢中香飯覲誰人

寄問清流王相如

雲銷晴瀑下衡廬賦寫清流煙月餘便不遊梁
先客楚氣吞雲夢亦相如

江城南浦繫舟頻笑隔桃花又一春但向清流
作漁父湘沅難是獨醒人

何東白太醫許開酒口號

庸樓風雨滯春衣恰見騎牛賣藥歸試着杏花
原上望酒壚人到藥爐稀

偶然病肺怯春風避酒嫌歌百興空何意白頭
心較小不能膽大似郎中

元夕洪沙公子遠致高燈却謝

編珠洗翠焰樓臺細雨和風酒一杯巡簷忽睇
開雲月清夜同誰賞笑來

入閩傳艷見高華三市煙霄此一家玉宇滿堂
風帶起翩翩公子自洪沙

近禊有懷卽贈莆田藍翰卿往襄陽便過
其先人隨州刺史祠下

楚客曾同章水西蒲樓風雨杏花低今朝寒食
仍章水閒殺花枝發大堤

相逢上巳前三日湛湛長江雨不分更過杏花
樓上醉一時朋舊憶斯文

春風忽作武昌遊官柳蘇蘇繫客舟莫過峴山

輕下淚汝南碑在古隨州

送王孔憲越遊懷中郎

赤日行天豈去時山陰殘雪夜何之飄花漱石
寒如許曾見袁家五泄詩

石門流火氣霏微月露孤舟小葛衣直過嚴陵
問湘楚客星秋與亂帆飛

答江陵張維時四絕

嘆沼魚不樂如塵趣累禪

失却龍門夜雨醒旱池噓沫翳微萍無因說與
魚天子只授金光一分經

楚江采蓮

蓮心獨唱采蓮歌葉裹菰糧衣敗荷何似醉遊
沙市裏琵琶相共鯽魚多

江鄉聞雁

盧葦滄涼自一時彌天縉緞竟何施洞庭彭澤
春波闊消息傳君雁字詩

噍五交哀二禪送客自嘲

送客無端祇自嘲楚江煙雨寄蘅茅達公卓老
尋常事生死無交勝絕交

偶誦

花竹臨池散曉光偶拈諸品坐繩床長年得見

波斯水靜日能生般若香

偶觸覺華編

說着亡遠卽斷腸十年秋夢覺華王不應天上

文章府要得人間破錦囊

遠夢覺華王車騎而
殤歲已亥爲我作句

已酉不復見檢其故帙
餘錦斷爛悲之委絕矣

海陵觀徐神翁像

色盡神移看寫生元都衫影罩空明滄葉欲換

題愁去一種神仙世上情

檀像虛無畫像新掉頭不識底傳神千秋淚迹

神光裡愁看人間羅刹人

聞拾之渡壘寄胡憲伯瑞芝

沓磊高臺向若登玉芝煙雨去時曾秋風海閣

書囊裡爲賦炎州五色藤

自然瓊樹不妨瓊能使炎風海外清但得檳榔

一千口與君相對卧紅笙

臨章樓聞越舸且別悵然

臨章樓畔唱歌頻亂颯花枝記飲巡定去揚州
須說與相憐還是故鄉人

亂帆秋影半江樓燕語滄涼傍客舟便去揚州
且明日故鄉今夜有人留

金精洞

在寧都

悠悠世事幾千年鳳舞鸞歌此洞天夜半紫雲
飛作雨金精石上漱瓊泉

雲卿湖上待萬余二生不至

夢裡吟詩醉寫真秋光湖上月粼粼無因嚼得
青蓮子爲覓香雲館內人

晏蜚卿東還并問張賓王

偶談黃鶴事多竒七夕迷樓獨詠詩頭白未銷

吳楚氣與君殘醉月斜時

爾師南國舊知名遲暮東歸弟子情積雪半天
迴雁影蒹蘆河上見蜚卿

同藏公天界寺見沙灘陶者

偶逢集夏與同遊鳥語風旛臺殿幽一食老僧
移坐起少年隨意打皮球

朱子得太守索顏撫州二姑壇帖

靈姑簫發久凌虛千歲顏公小字書得似灌園
真跡在金梭韓馬欲何如

看大理客辭家

白巖如鏡瀉青湖龍尾關前望小派便作點蒼
山色好可能分入畫眉無

湖上有懷陶蘭亭

竹葉新炊龍井香睡菟清渴酒壚傍何時一棹

山陰雪爲試陶家十六湯

重過用晦王孫斗西春院作

求仙愛戴竹皮冠北斗西飛草樹漫惟有殘叢
舊詩卷銅盤收淚月清寒

諷瀑泉王孫四遊詩

好詩清淺世人留廬岳歸來卽倦遊石架題名
煙月裏海風吹盡瀑泉秋

沉角寄宗良王孫王孫肢節金癢而韻思

轉清

好逐王孫桂苑風水鱗煙燼博山紅由來一葉
天香傳總在枯心斷節中

戊申首夏初夕夢爲何國長恐懼搜索背

人作書生誦哀公問政章醒而成韻

役夫當夕夢爲王丹穴初醒愁詎央便作蒲蘆

能問政不應圖畫到高昌

端州逢西域兩生破佛立義偶成

畫屏天主絳紗籠碧眼愁胡譯字通正似瑞龍
看甲錯香膏原在木心中

二子西來迹已奇黃金作使更何疑自言天竺
原無佛說與蓮花教主知

治指腕寒痛度嶺所得

破蓬風起到擎雷指腕侵尋未病催縱有針神
卧谿谷可能真氣一時回

春夜有懷謝芝房

木閣箚頭青桂枝越人文字漢臣知幾年元夕
深杯裡又是燈殘月落時

每到燈時一舉杯叅軍書去隔年回章門便是
金臺路飛越峰前足練來

武陵春夢

細語春情惜夜紅
妨人眠睡五更風
明朝翡翠洲前立
拾取砂椀置枕中

看踏麴

繫馬慵粧笑有無
強將人當酒家胡
晴來正踏襄陵麴
石蜜紅椒色味殊

內人服散

曉鏡當牕影碧紗
曾無心緒到鉛華
經春惡阻知何藥
還愛新飛水玉花

招慶寺

曉風疎雨帶雲陰
翠黛輕衫湖水心
一曲渭城底春色
西冷橋畔落花深

寫韻樓

松樓寫韻暗沉沉
似有人來江樹深
斜月半山

風佩起千秋南浦別離心

聞滇貴道阻問瑞芝中丞

金沙原與蜀通津路出黔陽千里塵何事不教
東一綫蘭滄千古爲他人

鬼氣臨參不肖降時時兵甲問南邦天開貴竹
當雄楚地擁西臺接麗江

偶作

兵風鶴盡華亭夜彩筆鸚銷漢水春天道到來
那可說無名人殺有名入

官閣

蘭歌滅燭暗逢迎檻倚紅梅發艷輕半醉卷簾
春雪裏竹厨熅火夜分情

少小

少小詞場得浪名白頭文字總忘情若非河岳

驅排盡定是煙花撥換成

寄候徐聞鄧母

真妃南斗向南面遊子登堂淚欲枯
海蚌一甌知味美可憐無復報恩珠

寄懷徐聞陳公文彬舊遊

雷轟天飛海色青一時風雨滯炎溟
石門望罷星河絕猶記浮槎舊勒銘

送黃醫歸麻姑

蹈海談天興不無白頭心在片雲孤
肝翁眼裏三回別別卽教收彈鵲珠

朝采三花夜采真藥爐
肝母憶情神欲將清淺東瀛水
長照高空黃鶴人

口號付小葛送山子廣陵

青來水榭三層出山子吳歛一部遊
爲記臨川

荀伯子尋常兩事足千秋

塘上蒲生新酒香水嬉風信下維揚山公醉興
同山子愛時時問葛彊

煙月揚州一過家五峰春作綵雲遮年來酒盞
拋除得唱盡江南白葛花

章門諸友雪中來問業一宿便還

一絲香餌不曾開便作鳴舷鼓浪回不爲臨川

通釣術可能辛苦雪中來

斷臂都無世上情少林人自雪中行文章博伎
何須此亦有前程一死生

謝埠同紫柏至沙城不肯乘驢口號

彌天風雨暮樟臺大笠長簾去不回不是泥中
瞻白足儘交人笑赤驢來

贈郢上弟子

懷姜奇方張
居謙叔侄

乍展高腔發柱歌月明橫淚向山河從來郢市
誇能手今日琵琶飯甑多

城南泣李孝廉東宿

齋閣湖頭坐數移十年相憶舊題詩頻來淚滴
寒塘裏風動殘荷送我時

江樓看別者

落花初起舵樓風彩扇熒熒拜孟公人去碧簾

歸燕老流蘇浮動月明中

長至簞葛送夢得東還口號

夜挿梅尊凍飲頻河梁飛鴈感情親清鋪一簞
琉璃色爲照王門冰雪人

年少相看耆舊稀新聲纔和忽言歸蕭蕭雪意
清如許日暮河橋贈葛衣

逢左拱之章門卽贈

秋水殘霞相見親
曉風留得使車塵
何當闕下優游客
來問江邊憔悴人

宅裡難尋江上逢
江中雲起暮帆風
披榛夜半吟招隱
似賦吳都左太冲

李篆史索新婚詩小謔

朱珪不娶何孤潔
李子催妝強索詩
向後勒成雙鳳紐
管花偷押睡紅脂

見交州欵儀中代身金人一具面縛鐫名

感詠

唐亡鄴部真無策
漢棄珠厓亦委心
不得鎮南關外地
伏波空進代降金

山茶初發

檀心翠葉此含胎
燈候晴紅帶雪開
喚作寶珠須愛惜
燕裙時與障寒來

超然爲里兒所撓贈刀遣之

攫衣偷扇總牢騷馬上頭陀氣骨高但是藕絲
隨遁去篋中須惜我王刀

答孫子京香峰之約

玉氣流光蘭氣薰秣陵文物最思君年來枕席
夢何處長似峰香湖起雲

得黃荆卿詩來爲壽

我心長有一荆卿寶氣熒熒金斗城更近淮南
有仙藥只將詩草賀長生

醉客歸吳和作

浮家只在洞庭灣浪醉何常信宿還水月寺前
春露曉夢蒐茶氣小青山

寫道書作

厨開柏燠吹芸葉袖拂鸞緇吐墨花奉常禮署

清微甚也有蓬山北道家

內嘆

曾學宮粧報粉衙遠隨才士適天涯無緣更說
趨朝事白玉河頭夢落花

答內傳

父傳淳盛德士也母蕭京師人

且伴忘憂學種花玉臺閒味小牕紗年來見說
見馨好能賦東征作大家

內人入齋

不為成雙學種麻偶然閒獨悔炊沙清齋素服
光如月自賞香瓔末利花

見故時書畫狼藉惜之

牡丹賦作官厨鎮蕉雪圖支漆竹門自是一時
珍重意落花依草更何論

天台縣書所見

詩

池煖風絲着柳芽
懶粧宜面出山家
春光一夜無人見
十字街頭賣杏花

滕王閣看王有信演牡丹亭二絕

韻若笙簫氣若絲
牡丹魂夢去來時
河移客散江波起
不解銷魂不遣知

樺燭煙銷泣絳紗
清微苦調脆殘霞
愁來一座更衣起
江樹沉沉天漢斜

寄萬丘澤從經畧河西

緩剪羊毛作稅錢
高材留鎮夏西偏
方冊河上思秦漢
何但姑臧是水田

酌方赤城孝廉

赤城霞氣動虛舟
來作西江月下遊
唱盡新詞留一醉
芙蓉清露最宜秋

笑倚孤屏接大方
吟壇相望水雲鄉
何時更躡

清寒影天柱峯頭看月光

桂林筆工復之皖寄謝阮堅之

是物臨川只衆諸阮郎教作趣何殊獨憐內史
臨池處未是江淹五色初

落穉阿那意態慵陣圖千里付良工知君幾盡
青鏤管起向蘭臺篆北宮

下士所無空寸心幽蘭清水費沉吟南來一抱

蒼琅色無限江風起竹林

中山休作越吟聲天柱峯頭是筆精不敢秋毫
忘江左與君傾出自然情

筆毫含潤向江波匠手來歸益惠多似我只臨
衰晉帖留君堪發盛唐歌

玉蘭軒送喻叔虞薄遊嶺南

世有文章不逐貧遠遊須是好情神風光嶺外

從誰說破鉢巖頭第一人

煙月留人自一時派南浦送行遲關南十月

梅花雪來鴈峰前寄一枝

兄弟能文獨可憐玉蘭清瘦語留連經過五莞
知炎熱歸趁扶搖六月前

十年相負海人期淚與裁綃一賦詩君去未須
頻道別浮羅堪有夢來時

別景州高柏庄長者

十載殘貂去復回柏庄長向董帷開相看馬色
斟寒酒愛我題書似玉杯

德州却寄苦水楊掌故先生

官近濠梁興卽同霍丘文學詎成翁驅車更屬
平原酒日暈吹沙河上風

南署分冰

詩

銀牀曉汲向紗窗小飯過時熱未降自笑剪冰
無尺樣縱拋朱李石蘭釘

浙中具區赤水茂吳漢城一時俎落悲之
雨夜恒多處士星一時江海淚熒熒温王郗庾
何須死似少興公著作銘

玄都曉夢

城郭人民不可知好懷幽夢亦相隨山行落月

聞簫處林坐熏風摘阮時

聞拾之遠信慘然

吳江此信不須傳只作悠悠在一天無限白頭
歌笑裡新詞還得個人憐

延陵公子最聰明婚嫁年來學遠行折莫吳歌
遣惆悵斷橋衰柳別時情

念可公

詩

王法無心足自知大臣斷事可能遲無邊佛血
消詳出大好入天打縛時

越舸以吳伶來期之元夕漫成

人日期君君有人石床濤泚注宜春今宵又踏
春陽雪解傍吳歛記燭巡

白頭情事故鄉留殘雪春燈宜夜遊處處吹簫
有明月相看何必在揚州

王孫家踏歌偶同黃太次時粵姬初唱夜

難禁之曲

珊瑚海上玉如林豫章門前風露深動是醉眠
江月曉不應傳唱夜難禁

西山雲氣晚來多偶爾相逢人踏歌峩珂大編
載卿去如此秋光愁奈何

不須重上泛湖船碧玉王家小洞天上客何來

看歌舞暮粧微雨最宜憐

高堂留客正黃昏
疊鼓初飛雲出門
但是看人隨喝采
支分不許妬王孫

送曹生池陽

千里相過陶令家
水邊高菊映殘霞
東歸一上青蓮石
雨洗風吹紺碧花

十年秋浦記曾遊
白筍煙霜長自秋
大有池陽隱君子
月明人語弄溪樓

楊雪浦家懷舊

雪暗燈殘思復沉
昔人曾此醉黃金
琴歌一去憑誰續
淚點間關絃上心

寶應寺故址

內史繙經魯國書
寶雲初地出浮圖
不知世上相輪火
燒過茶門一字無

聞江山何曉御醫使琉球回喜寄

千里江山一舉杯舊遊無計與徘徊焉知老去
何東白又向扶藜看日回

八水菴作劇送宗望口號

送客菴頭秋思微蒲團初地亦依稀着他昏散
成何用且借天花落舞衣

離情幾日更匆匆千里蕭條得二從玉茗池頭

秋色裡可能三度見芙蓉

傷歌者

聰明許細自朝昏慢舞凝歌向莫論死去一春
傳不死花神留玩牡丹魂

代送蜀客

新婦同牽架上衣今朝舉案淚痕揮經知別後
銷魂處十二峯頭雲雨飛

久甦作

通天爲恙是何神去歲辛夷花又新獨是太醫
如吏酷吟詩酷酒不由人

畫墻爲風雨所晦作

巽墻初立彩雲新風雨從天洗角鱗門戶十年
斑剝盡不妨人笑癩麒麟

涂石卿

不住環中雲水蹤十年衰病此相逢談禪未覺
虛煩淨豈有丹砂治懊懣

來任卿去官歸蕭山愛元人九歌圖爲作

去意蕭然此大夫剡中溪谷世言殊傷心漁父
臨湘譜一似英皇泣舜圖

暮江圖

風起煙霏林翠開暮帆秋色半江迴疎燈獨照

歸鴻急長似瀟湘夜雨來

小桃源圖

桃源無路覓秦餘
欲傍滄浪漁父居
不知雲夢山頭女
有得心情來獻魚

潯陽送畫者

氣骨高寒足自知
颯來湓口照鬚眉
驚呼顧凱相臨取
五老峯頭雪霽時

梳洗作

白髮新梳對曉霞
合歡紗帽篸裁斜
堪拋繡篋宜男粉
還藉香簪瘦客花

庚戌初夏夢侍漳浦朱澹翁尚書奉常

東廳已老江潭客
右坐翛然海上翁
二十年來纔一夢
牡丹相向後堂中

玉茗堂全集

玉茗堂全集

臨川義仍湯顯祖著

詩

七言絕句

甲申見逝北驛寺詩多爲故劉侍御臺發
憤者附題其後

江陵罷事劉郎出冠蓋悲傷并一時爲問遼陽

詩

十八卷

一

嚴譴日幾人曾作送行詩

寄青陽何大選袁承謨三里店王賢

金陵子弟憶年時每到雕湖定夕炊一別凌陽
雙鯉後九華烟月夢常隨

姑熟端太學堊虹席中有贈

離離江月照高臺憶別朝陽鄣袂回如夢更逢
江上飲不教頻唱恨無媒

長安酒樓同梅克生夜過劉思雲宅

炙肉行觴深夜留錦衣重覆敝貂裘新豐滿市
無人識欲傍常何問馬周

都下看瞽嫗茲子唱命者

聞來不是百章歌強合宮商可柰何合眼琵琶
說官品洪州初有阿來婆

北方婦女窰穴者嘆之

略剪茅茨亦丈夫曲腰官柳足扶櫺不應穴處
今何世錦帶書中說四姑

計偕濟上逢秀水陳公九德

半酤清酒濁河頭滿目風塵吹未休爲報齊人
莫天口荀卿五十正來遊

過春申故宮

迷迷春草暮江陰黃歇宮開竹塢深去燕尚留

丁國語離亭當日聽琴心

花步廊

手面兒郎學剪花圖花捻蠟是生涯春兒又到
朱門裏眼見風流度幾家

遺張仙畫乃作灌口像

青城梓浪不同時水次郎君是別姿萬里橋西
左丞相何知却是李冰兒

天界寺塔下印經

中官摸發歲紛紜更費金錢與潤文未恨故宮
當火宅赤烏猶似氣侵雲

紫栢不受紫衣口號

秣陵衣色如天竺赤布僧隨大笠遮懶作儀同
稱輔國相逢何用紫袈裟

朝天宮

教門公事亦無多首座都監柰汝何除却齋壇
星月曉紫雲殘夢玉簫和

奉常進鱗鮮作

夏首晴江出網絲春陵嘗麥進鮮時吳都不用
瓶魚鱠千里冰盤夾秀脂

薦麥春殘過望魚越江休數鱠吳餘芹芽芍醬
天厨裏何似鮮芳玉筋初

聞戒壇許僧尼同受者解嘲

師子國中開鐵索蔡州崖畔轉金輪但是天花
無住着何須更問女兒身

翻經學士費沉吟老壽將軍出妙音只看洛陽
東寺裡兒馨通得法華心

秣陵寄徐天池涓

百漁味罷首重回小景西征次第開更乞天池

半坳水將公無死或能來

規中嘆

見火全飛水上金波瀾曾此費沉吟新開內景
分明語七節蓮花護小心

江東神祠夜聽達公讚唄

沉沉江樹月生雲潮水金經入夜分定是清溪
靈語笑千秋纔得唄聲聞

看金人楊奐趙太常試賦

夢華無計得追攀
大定明昌一解顏
何幸紫衣來問賦
異香初出殿櫺間

題箋

檻竹臨塘風月鮮
圖花咏鳥送殘年
桓玄僞事俱塵土
猶藉風流五色箋

卓翁縫衣妓

木蘭衣色本希微
何用求他鍼縫衣
曾是半眉看不見
一時天女散花歸

寄萬丘澤

嗚駝蹶水漫沙流
落日牛羊番帳收
獨醉葡萄定風色
知君隔海心無憂

獨參戎幕海西頭
虜騎蕭條萬里秋
醉裏琵琶驚馬入
破可能頭白未封侯

詩

聽閩人說占城事

長說三光在覆盆梯航不共四交論何緣覓得
開天竅還道天西有一門

鷹負句

張率新詩題沈約慶虬清思托相知剗心置地
何難識古月今人看卽殊

南城懷鑑湖審翁

師門長共月中行卧聽玄都理玉笙一散魚龍
烟霧裏蘭沙不見審先生

麻姑山下嘆樂湖張君

幽憂長與至人遊妙語清歌瘦不休別後麻源
春信遠樂湖烟雨寄東流

蓮塘驛

陽春驛晚看蓮塘白馬山來海燄長不似江南

青茵蒼止因炎熱當秋霜

陽江無底潭

毒潭烟霧恣沉冥妖怪長如金鼓聲何得羅槩
隱君子海風吹絕夜絃清

陽江望夫石

峯巒如黛翠如寰破鏡迷離烟霧間昨夜雙魚
何處所咸船多在海陵山

瓊人說生黎中先時尚有李贊皇誥軸遺
像在歲一曝之

英風名閥冠朝叅麻誥丹青委瘴嵐解得鬼門
關外客千秋還唱夢江南

送客謁梅克生軍府

節鎮曾同京洛塵醉拈鸚鵡漢陽春分麾上黨
男兒事莫買釵頭問婦人

題達公書跡

永欣寺裏升堂罷
蕉葉林間立塚初
認到達公
竒險處
劍頭釵
脚幾踟躕

送日者謁溫公純

交初紫炁欲如何
擊殺刑衝世局多
要得郎星
依帝座
莫教箕口向天河

爲阿佞多病檢方

外時留蘇合香爐
頭湯沸小兒郎
不知顛顛
經中說黃帝
曾無立小方

龍泉葉生善吹簫自言法師後

金紫飄飄接翰林
霓裳吹動廣寒心
洪都故郡
龍飛日
曾記儒家有葉琛

過縉雲

日上扶業海氣收
仙人榜上記曾遊
祗愁怪石

能生長不遣陽水一字留

西興懷古

采菱歌罷送將歸
秋露初生白紵衣
倚棹斜陽江郭裡
烏鳶閒唼素蝦飛

過諸暨

苧蘿山下雨淋漓
瀉解帶山橋過午炊
幾箸江蝦成獨笑
一文錢裏見西施

爲屠長卿有贈

望若朝雲見若神
一時含笑一時嗔
不應至死緣消渴
放誕風流是可人

聞呂玉繩大父相國謚議作

名公子孫今絕倫
先朝相國幾經春
不應朝士紛紜語
曾是頭頭第一人

靈隱寺月食

最是修羅不着人今宵桂子隊無因先教救取
闌單兔曾爲傷心在月輪

丹徒民張昱奏其叔占收第一祖宋高宗
皇帝駙馬培賜物及第二祖蔡京丞相
女奩物并發吳慶封凜子塚寶物萬萬

絕倒偶成

天帝詼諧一笑聞宣和遺事莫紛紛獨憐千歲

椎埋客不到延陵季子墳

過句容

句容別館向勾吳露冷春宵起夜烏獨是梧桐
秋不死長留雲氣似枌榆

平昌入觀雙塔寺演儀

帝里春迴佛院香傳來風鐸語琳瑯無能一一
循金索孤負祠宮舊太常

寒食過薛

東來塵氣雨初分
店樹新烟河岳雲
過盡三厨無一客
今朝寒食孟嘗君

濟上看張平子畫

女牆如月畫屏開
長佩遷延望若來
只爲敬君留一笑
齊王安得九成臺

見沈几軒師題詩

幾度秋光扇未塵
玉門開篋憶清真
不應南浦歌風客
來作西州痛哭人

摺疊裁雲見沈公
扶搖偏愛嶺南風
雙悲太史拋年少
獨幸門生作老翁

罷令歸過太末

清獻坊西一棹移
溪山樵語暮烟遲
始知白晝高眠客
不是青城散樂時

周無懷往宣城與沈殿元叙舊送之
短髯江閣興何豪夜折蘆歌宿鳥號大勢嵇生
堪仰泣呂安何事更邢高

蜂

清露高簷歷亂旋午烟微颺網絲纏憑誰決取
飛飛去作蜜啣花謝少年

聞雲樓五日

坐隱湖簾觸獸環一彈一說恨關出今宵一片
蕤賓鐵跳出平池烟月間
粗叅絳帳與橫經却許鏗鏘到後庭爲道曲名
燈下見唱來還是隔簾聽

上藍寺後老君堂小坐

突兀精藍禪意微客塵朝暮遠僧衣何得昊天
依老子靜念樓中雲氣飛

右武送西山茗飲

春山雲霧剪新芽
活水旋炊紺碧花
不似劉郎因病酒
菊蕊纔換六班茶

示李微明

少年豪氣幾年成
斷酒辭家向此行
夜半梅花春雪裏
小窻燈火讀書聲

送王南陔楚遊

不負秋期見卽悲
爲文將弔楚湘纍
心知欲別語難盡
便作忘情去莫辭

送章伯昭歸景陵并懷本寧先生

年少名家似孝標
蘭臺風起去人遙
能來江漢三千里
時有秋思過雁橋

玉茗池頭芳樹新
將歸郢客奏陽春
竟陵大有西江水
爲寄相思雲社人

乙巳都城大水

閣道行船悲未央
河魚東下海洋洋
都拋大肉金錢
賑不用人開紅帖糧

浮梅檻爲貞父作

白傅時思湖上眠
黃郎新泛竹爲編
長隨傘幔通明月
何用籠燈照夜船

浮海方嗟無取材
泛湖深竹自虔臺
水花灑灑

洞簫起山翠空濛連袂開

靈隱山前風自飄
不須剝木取泉遙
猶憐人夜蕭蕭雨
長在西泠第幾橋

竹丘千里卧湖光
故事江頭儀部郎
興到網帷連騎出
湧金門外月初黃

慟世

偶然彈劍一高歌
墻上當趨可柰何
便作羽毛

天外去虎兄鷹弟亦無多

偶齋答客

蓮社珠燈一佛閑意中空色與徘徊分桃擲果
都無分何賴今朝懺悔來

徐觀察白云得秘術

墨老都無却老方上林妖艷亦尋常君今更說
粧臺記猛取雞皮作鳳凰

喜賀閣伯成進士

少年新領帝鄉春乃父中書一俊人家世逃禪
美衣袂不煩人贈白綸巾

有唱人頗爲客苦惱嘲之

村務何須搗李娃當時傳唱一枝花居間縱有
多情客誰解爰搥到狹邪

卜兆作

詩

偶興隨山去，撼龍涉江烟。雨翠重重無緣便作
終焉計，爲向靈丘第一峰。

強不尋山柰老何，靈峰雖好夜泉多。重來莫問
湘騷客，長是深林帶女蘿。

送豐城陸郡博廉州

雷陽曾此佇，征槎城月郵。前溪路斜尚有湖頭
雙雁至，數程猶未到天涯。

內史池邊洗墨還，春風重過太廉山。君看海上
珠池氣，猶似徘徊牛斗間。

題靜菴僧卷十絕

有序

僧青陽陳氏著，姓也菴九華山下。顏之以靜
黥淡而少營，清羸而善病。晚年門徒流散，車
膏乏絕，平昌別去。且十五年來，臨乞食者再
無足指示者，爲題卷屬之友人廣昌黃太次。

太次慧心人當知色空普供爲作佛事也

侍郎書屋舊吾家三笑留人江上霞分衛不來
饑火熾伏甌峯頂一杯茶

一縷葡萄不再逢敷花長伴五釵松門徒去盡
厨烟死斷愧斜陽稻積峯

四月迦師仍苦饑一軀清瘦水田衣教依食住
愁難住玉甌峯寒待汝歸

新食纔生舊食除一時鳴磬遶江湖歸山要乞
平田住曾見沙囊續命無

春來香飯施僧殘夏罷何人到一食賴是西江
好團墮酥酒稗子不爲難

寺寺開門見飯堂獨緣心路到江鄉鳴鍾一箸
誰功德孔雀咽中已味香

九蓮花寺不曾開惟見沙門數數來未是到來

貪潤益利他心事不全灰

米汁長流盱水涯老僧門外卽逢遮心知獨受
黃郎覲隨例遊行到七家

金地厨開日又過饑雅無分向維那家居叢樹
能相憶城外清光不借多

天女遺漿施病僧如真如幻趣中含拚書乞米

江南帖付與拈花黃石函

石函作咸音者
菴含當改藍參

送葉仁長還建安

年少文章出富沙歸來仍是舊名家傾筐試酌
臨川酒何似甌城第一茶
炎洲桂樹已成叢年少還家氣鬱葱今夜與君
文字飲遶堂銀燭荔枝紅

亡蘧庚子至今十稔秋闈矣偶檢敝篋得

其七八歲所讀文賦俱經厚紙黏襯祖

父前背誦再四殊記年月重復中有蟲
蟻水跡穿爛兩京三都斷汚過半不覺
哽咽垂涕呼遽向中霤焚燒之遽有知
乎

忽忽垂頭雙涕垂亡遽剛是十年期班張氣燄
灰塵盡說與修文地下知

遺書出篋淚縱橫雨滴蟲傷大絕情垂涕送書

如送子我家天醉獨焚坑

送謝耳伯歸閩

秣陵葉下正清秋祖道寒花十月留向後相思
如夢海月明長在九仙樓

斗漢西斜秋復闌微波真作泛舟難祇應清遠
堂中客留得延津一劍彈

深尊明燭意何窮漸喜南行背朔風吳粵去來

將萬里人情多在絕交中

寄平昌時葉諸生爲護鄭太守碑金石之
文也

歸去來兮二十年門前五柳鬱參天當初亦解
栽桃李愁見春花隔暮烟
報願鍾聲接曙香夢竟常發瑞牛光鄭公文字
諸生禮時一看碑到射堂

送古松造像往奉雞足山

好相熒熒金紫檀經行萬里得輕安到時不用
跌蓮座坐向點蒼如玉盤

如來行處要人行二十八傳迦葉情但過五華
風日好樹頭常作念珠聲

喜李乃始太史蜀歸過飲見示西征三作
用和并懷曹能始九江

匡廬晴色下巫陽湖水相思日月長墨妙近新
逢二始蜀箋開處錦明光

聞黃太次計偕過別鄧直指新城遂遊姑
山有所愛憐特遲來棹至閏冬仲過予
止其行暫住芙蓉西館立夏南旋燕言

成韻用紀勝集云爾

道與來沙三月期旋隨計吏一帆遲高情欲盡

麻姑語未必將心住捨兒

千里培風且息裴梅花堪作歲寒香壚頭但坐
談如繡長至重逢日更長

小堂深燭夜光迴法酒珍瓶萬里開并道清霜
減寒色繡衣新向日中來

會鄧遠遊至夜集

探時惜歲暮年情臘鼓鳴時春草生市得黃羊
清麴酒與君聊此慶嘉平

爆竹驚眠興未闌
明燃燈燭作交關
高明接歲
渾難事何在
離情惜指環

除夕

拜罷先祠頌老親
椒花滴酒翠盤新
春光到戶

迎祥入遙見冠裳第一人

元旦

人日登高百勝宜
何人刀剪費佳期
將君好在

宜春髻紅葢開時更一枝

人日

偶爾聞簫逐隊行
殘燈淺笑二三更
朶城風物

何如此烟月長橋似太平

朶城太平橋
軒物在焉

燕子纔飛春欲分
柳絲新雨帶微醺
何人最是

停針線未必思君獨細君

社日

百花風雨淚難銷
偶逐晴光撲蝶遙
一半春隨

殘夜醉却言明日是花朝

花朝

癸丑年逢今暮春
遶塘流水吐庚辛
超超一夜
談名理玉茗斟蘭是此人

上巳

餉粥雞毬興不無冷淘清醕暮烟餘非關舊火
收槐燧自是輕寒戀竹厨

寒食

清和十日竟春陽人爲春歸送底忙江半石尤
山寺曉可無殘夢到西堂

立夏言別

昨朝春雨問行舟好借春歸作漫遊不知何處
催歸急油壁車邊避石尤

問舟從陸戲之

癸丑火書畫燬盡失去褚蘭亭爲缺思萬

乘之力有不能存所寶亦復了無恨耳

古瘦今肥自不倫水衣風帶共成塵拚教換與
梨花折未必吾家有世臣

卽事送錢晉明遊西粵歸長興

梅嶺歸來三月三春衣連霧洗昭潭還家恰盡
相思苦少婦迎門說二蠶

玉茗離觴又一年越江初過雨茶烟亦知天繪

亭中月長照溪頭菴畫船

詭客

巧笑樓頭一片雲太平橋外酒初醺何如落夜
峨珂去莫遣匆匆遇使君

盱水如膏粉艷新清寒能遇素心人閒時意態
夢中語纔見真真畫未真

玉茗堂校定冊府元龜藏本偶觸浩嘆

已拚冊府隨塵篋自分元龜食蠹魚獨憶童烏
分校日玄亭荒草十年餘

送洪雲林入都暫過毘陵

雲林幾宿恣竒遊夢入吳江烟雨秋爛醉芙蓉
池上別明年聞雁在何樓

客路傷多年思侵來家不得住雲林秋光且作
毘陵醉一指堂前霄漢心

詩
自分濕灰何處然偏多幾歲問胡顛知君得相
堅肥客還傍愚公瘦影憐

話舊談新心自傷霞城秋色去遼陽還家又是
三年後客路何如鄉夢長

送商孟和梅

畫扇留詩得半年碧雲秋近草堂前填河鵲起
書須寄見子乘槎南斗邊

曾見春笺小韻清曲中傳道最多情西江大有
多情客不得江東一步行

送郡丞雷實先還郢并寄舊丞聶慶遠

聽鶯出谷意能無作賦新知楚大夫正與登高
容易別可憐春色在江湖

一春風雨悵江南到日重逢三月三郢客自來
傷白芷江洲何必淚青衫

舊丞官老更投荒滿目機心世不忘君自蜀來
渠蜀去斷腸聲只在瞿塘
宜山太守一官輕清遠道人間寄聲劍外未須
談出處且從雷令問豐城

鴻乙樓

落日長川短笛催畫樓西畔與徘徊沾春莫作
尋常醉纔是城隅酒一盃

欲引長流泛羽觴樓高那得注迴塘年年上巳
堪畱客祗恐阿登明歲長

幾年上巳醉君樓重上笙歌竟日留不爲高情
成一笑年年烟樹對春愁

睥睨斜開碧玉潭高樓橫笛憶江南不因好事
傳盃語君已忘懷三月三

上巳送余子孟瀛鰲饒陽應試

烟煖風絲柳拂袍
桃花春酒漲初高
平湖一棹人千里
會是瀛洲欲釣鰲

一出芝城湖水香
吾衰子墨正登堂
歸心又逐流杯處
洗袂春衣年少場

鬱儀從龍寄示襖詩懷舊張丁二公作

王孫選客稱清懽
羽爵成詩遠寄看
折取杏花樓畔醉
殢人愁緒袂除難

風物長宜章水濱
重逢癸丑莫之春
詩成欲序蘭亭恨
相國參知是昔人

贈紫陽覃漢暉入吳謁董思白黃貞父

突兀能爲信宿留
秦關百二眼前收
從誰更乞三江水
助爾旋飛天漢樓

臨川有客漢中遙
井鬼橫天氣不銷
爲覓恩光托窮鳥
好傾才力賦鷓鴣

送江如僧暫歸麻源往九華作

空江六月火流天
汝向千峰摘九蓮
一夢雨花秋色裏
海光初霽秣陵烟

侍郎書屋舊吾家
衣帶常沾金地霞
爲聞麻姑水清淺
幾看江上側蓮花

看孚雞子

黃白光中一氣先
都無半月羽毛金
亦知天地

如雞子盤古於中萬八千

青來席中夜半遇
趙臺官戲作朝上雞鳴

歌有嘆

十年春隔五城樓
相見靈臺今白頭
聽罷碧鷄天浩浩
一時魂夢滿皇州

謝趙仲一遠貺八絕

漢未央宮瓦硯

銅雀臺知歲月深未央宮瓦更難尋風漪欲動
洮河綠雲氣長滋漢殿陰

汧陽石魚

柳葉雙魚透石穿
辟衣香好鎮書便不須更點
隄廩墨一寸雲根鱗鬣全

烏思藏巧鎖

同心得似鎖心連
繆巧透狴意已傳
且使關西

人健在荷時開向九門天

洮戎數種

萬里洮蘭織細絨
橐駝寄早衰翁應教不向
長安笑髭毵毵似日烘

香臍

通仙枕欲夢寃安山麝能溫水麝寒價重明珠
幾千里當門和取護香殘

西域葡萄

葡萄別種費封題香氣新嘗染麝臍嘉峪關前
三萬里一時流味漢江西

鎮番枸杞

明目輕身作地仙殷殷紅子意相憐不須更問
西河女活水銅餅金髓煎

西寧延壽果

欲扶靈壽向江天茹菹尋芝總不仙何得對餐
延壽果與君長似十年前

聞都城渴雨時苦攤稅

五風十雨亦爲衰薄夜焚香霑御袍當知雨亦
愁抽稅笑語江南申漸高
懷馮公元成時可

文字如人奧復竒一生遷斥近蠻夷當時數相

同鄉里何在新羅黑水碑

寄謝侍東遼左

挿漢窺關事欲多
遼陽當已失紅螺
寧前直鈔開原路
止隔三岔一渡河
香露噴噴中郎萬
里計軍儲海餉登
萊似國初若道全
遼堪郡縣只消家
令幾行書

送朱懋忠當湖

傲吏逢迎氣欲降
輕風微雨富陽江
當官正是清和節
陶令清閒卧北牕

武禁聞瞿屠夫尚留章門
睠然懷之

四十年前燕市驚
蒼茫重見豫章城
不知流寓千年後
得似長沙與正平
才士傾家足著書
白頭扶病向江湖
麤髻唳鶴迷烟裡
莫作秋風旅雁呼

少壯縱橫似不貧
白頭還是債隨身
獨憐慨慷投心地
欲作支離掉臂人

坐起東湖湖上雲
百年流落幾相聞
爭教下榻容他士
且作竹樓留此君

江楚曾無千里遙
黃梅道曷正今朝
相看不得同貧病
別後竟傷何處招

道情難逐世情衰
滿目傷心泣向誰
不分更逢

饑鳳語琅玕
零得兩三枝

姑蘇莫公遠
欲往溪南戲之

七十行歌不易逢
猗南無計且從容
休將尺練寒泉眼
要向南山看白龍

寄袁中郎

手版鞭笞卽刻無
時從高卧客酣呼
皆知制作能兼錦
朝判長洲夜判吳

聞李觀察本寧湯司成嘉賓集南都欲下
一晤湯旋去官有慨而作

幽蘭千古氣橫陳
流寓春傷楊子津
欲賦舊京作賓主
外臺先老翰林人

鹿裘初染敬亭霜
江海相思雲氣長
不借風流爲祭酒
荀卿垂晚立康莊

章門送劉冲倩之虔臺

千秋駿骨重王孫
碧馬談交四海論
忽忽郡齋留一笑
雲門春色在章門

相逢那惜盡爲懽
折柳纔黃心緒殘
行到水西春未老
紅梅還寄一枝看

春江渺渺坐愁予
有客驚逢言笑餘
今夜扁舟動牛斗
何如太乙下窺書

送君南浦恨如何
春草綿綿春淥波
更說黃家

兄弟好鬱孤臺下夢常多

滕王閣逢劉琪叔爲別

才名真似玉潏潏江上相逢琪樹春更別未須
明日去章門風雨解留人

兄弟江頭會亦奇蘭亭已矣更何之臨岐併作
蒼茫語尊酒絃歌日暮時

送黃九洛歸虔

遊子江南春草齊秣陵行色遠萋萋臨流一道
章門柳長逐相思到水西

西山鸞鶴起晴烟南浦鷺逢上瀨船怪得異香
常入夢君家九十九峰前

九日遣宜伶赴甘參知未新

菊花杯酒勸須頻御史齊年兄弟親莫向南山
輕一曲千金曾是未新人

九日送楊因之歸新城

芙蓉一面繞池開
病肺蕭然客數杯
正自江南苦秋熱
飛猿雨氣座中來
送客將歸一舉觴
素衣雲影護新霜
明年九日能相憶
兩地爭高華子岡

送張積之饒陽

孟夏滔滔草木深
芝山晴雨半湖陰
扁舟負篋

無餘事時與清齋長道心

千里從師師復羸
高情言別淚雙垂
孤舟得盡河橋醉
桃李成陰日暮時

貧家經典作庖厨
旅食尋常瘦似初
慚愧天文與鍾律
汝家張敞獨遺書

敬以孝廉知天文鍾律待詔家有樂書云

昔賢長似不勝衣
似子何年戰欲肥
不到夢中纔一嘖
朝朝曾與吐珠璣

口占送陳道叟并寄岳石帆昆季

六月宮湖晴起烟道人初艤下江船亦知衰白
老將至得問還丹逢大年

六月空江暑不銷道人何意發征輶清秋七夕
人間巧留看崔公上鵲橋

慧業傷心久世緣何方却老病初傳欲邀弭轡
湯池客去作流珠飲日仙

勞生六十歲而餘慚愧仙翁促傳俱更着長生
何地好西吳馳問岳之初

同陳元石送劉琪叔歸山陰

客思蘭亭歸路賒一樽清遠道家離懷竟日
逢春盡獨坐長廊看雨花

風雨瀟瀟江上波鬱孤千里興如何纔逢楚客
新知樂不至春傷流寓多

但是逢春春自傷不關風雨爲春忙
章江亦是留連地何用離愁向越鄉

送柳士陳元石嘉礚歸黃安

宜章應不久留公山似寒蘆宿莽中
直下荊州向樊口始知豎子亦英雄

人語湖中一燕泉雲秋山水瘴寒烟
湏君更借

長安日歸向宜章補漏天

何公孟春柳士也

何來突兀更多情十日平原且未行
堂上但須如此客如泉春甕一時傾

明光楚奏暮燈前春酒黃魚不用錢
莫厭池頭思滄海此中宜坐足談天

班荆長笑楚多材獨自談兵海上來
慚愧一編黃石訣清時頭白不曾開

江楚悠悠春夢深偶然離別倍傷心
逢人解唱

清平好風雨離騷更莫吟

送遼幕過居延

鴨綠江寒匹馬行
奴酋未必敢連兵
三汭刺有葫蘆口
一夜能高木柵城

居延子弟好從戎
酒債胡頭誓不空
獨在九邊能血戰
不夸張掖搗巢功

送道兄鄒華陽入越

有序

公名光弼三世務黃白之術所失不貲以孝
廉令鍾祥乃更清苦甚力護士民扞稅璫忤
旨落籍貧不能活聞越中能死禾者欣然舉
債而從之一笑爲贈

家世燒丹家轉貧
拋家爲令漢江蘋
官方又失田園計
道路追尋草豕人

余纔足食衰疲蚤君幸遲衰生計難
獨羨臧官

歸老健一生贏得不求丹

謝士作

未必土功能病女何知太歲卽關人
飛箋酌地
巫陽事大要心神是宅神

別墅同饒見石李本仁曾在中
昔伯禎

攤書不用文章嶺解帶何須禮義山
但得醉眠
荒野裡白頭心眼一時閑

辛丑京考後口號寄溫都堂純

燕市千秋駿骨香江潭三歲客心傷
知君的是
誰苗裔曾在長沙困道鄉

奉行故相偶然聞點滓移時風卷雲
獨坐不羈
高尚去平生知己是溫君

寄懷監利姜公竒方公子

世情交態日紛紛白雪朱絃更不聞
獨傍愁魂

向江水荆臺楊柳氣如雲

潔上人重修棲賢

千秋少室起寒烟
達老黃龍意已傳
水石如雷轉空谷
年年風雨夜安禪

五老峰前舊跡閒
欲將蓮社寄宗雷
陶家酒熟公先至
且作攢眉一笑回

七年病答繆仲淳

不成何病瘦騰騰
月費巾箱藥幾楞
曾是一時無上手
古方新病不相能

看幼孫誦千字文
破卷狼藉戲示

硯池水暖立牕紗
幾字鍾王浣墨鴉
未道他時能韻語
蚤先翻破到枇杷

聞蕭生成芝入都
欲得光祿署寄作

櫻筍冰鮮南奉常
君行先入大官嘗
三公欲問

調和意夜夜持書向側光

讀夢得金陵懷古作

賓客探驪獨唱時何妨鱗爪更披離無端白舍
拋除去不得金陵四首詩

若谷僧從霍林所來爲帥母丁夫人病目

禮藥師經齋且行爲贈

乾消不遇老人醫藥上名經禮六時四十九朝

清磬裏病人心已淨琉璃齋此中鍊淨言
嗔教合眼見琉璃命續高旛不校遲獨唱睡中
名號惺當時曾與睡菴知

中元題

窮鬼錢神不耐真燄籠飛作紙燐燐陰司總被
人間賺忘却司存鼓鑄人

蜀客歸娶者贈之

窮愁何必是他鄉
百歲爲懽一日強
春盡我翁見歸客
蜀裝傾出海棠香

書金史後

滄桑長共此山河
却爲中原涕淚多
看到幽蘭軒裡事
依然流恨似宣和

銅雀伎

吳起張巡總爲名
到頭纔識此中輕
若言銅雀

分香假泣向虞兮
亦世情

見改竄牡丹詞者失笑

醉漢瓊筵風味殊
通仙鐵笛海雲孤
總饒割就

時人景却媿王維
舊雪圖

避暑飲孫賀明爲別作

偶從岐路識行藏
下榻惟依古剎香
更說南窗方六月
無能分與北窻涼

送袁乘遊還閩

東出吳關西入秦武夷還近故鄉新
重來衣繡春風裡一笑芙蓉池上人
千里風流不可期袁郎江上夜吟詩
家山得醉陶潛菊又是登高送遠時
過遠兒故有嘆示念父兒

焚巢通鳥恣飛沉偶爲孫孱一動心
石地斲田全望雨老人栽樹不求陰

周臺官入楚自稱酒狂戲贈

挈壺還醉楚江萍詹尹矇矓對獨醒
向後門帘書命字滲標徑尺酒旗星

頭風在灸起讀郭伏生詩悵然成咏

詩成陶孟未成名竹露松雲見伏生
一倍太初塵外語李何渾是世人情

門裏春風倚杖身
門外清吟愈疾人
定欲築臺如此客
白雲湖水向秋新

送劉大甫謁趙玄冲膠西

欲別悲歌雞又鳴
白頭無計與劉生
恩仇未盡心難死
獨向田橫島上行

病中見戴師遺書
泫然憶庚辰歲別師時
師云予去此中無千秋之客矣
水墨空

蒙名迹如在兩人皆且爲異物矣

子墨英遊懷舊都
師門高盼古人無
樓頭不柰將離色
爲寫清齋却掃圖

看採茶人別

粉樓西望淚行斜
畏見江船動落霞
四月湘中作茶飲
庭前相憶石楠花

笑語華山道者

往歲彭城欲降麻仙官八百走龍沙
今秋又拜延陵相天下紛然來謁華

南州門人雪中來問業贈之

斷臂應無世上情
少林人自雪中行
文章薄技何須此
亦有前程一死生

七夕

露冷風殘月影微
今夜南枝鷓不飛
橫向人間

窺贈枕閒從天外看
支機

偶成

遠遊名字入樓清
四壁江山看雨晴
賴是年來雙脚穩
俗人行處不曾行

登高西望

不老峰中半百年
時將歌笑出雲烟
家居不借金莖露
自有聰明第一泉

玉茗堂全集

玉茗堂全集

卷之四

Blank page with a faint blue border.

Blank page with a horizontal crease and some staining.

